








P1







未寤醉之未醒病之未藥伏陰未覩  
于太陽寒谷未熙于春律黎苗之曷  
望未蘇黔首之倒懸未解夫欲濟塗  
炭而域仁壽滌瑕穢而鏡澄清瘵國  
脉之膏肓細天維之罅漏卮俶萬有  
權輿百度興禮樂於板之際蕩極詩  
書於煨燼之餘黼黻皇猷經緯政體  
變干戈而俎豆易荒服而衣冠斲雕

卷之七

七



反樸鑄頑成仁扇美化以風六合沛  
膏澤以雨群生教續將絕之時功畫  
無形之世非天下之至神其孰能與  
於此哉惟我  
中書湛然居士天姿英挺上智誠明  
著龜其識鈞鼎其器聳四方之具瞻  
遇千載之嘉會作  
朝廷之翰維

社稷之損牢籠區夏宰制山川提封  
不牧之邦郡縣不毛之地正璣衡而  
泰階平明曆數而靈符定開元建極  
畫彌綸之術驟帝馳王入酬酢之計  
以唐虞  
吾君為遠圖以成康吾民為己任涵  
養于事業形容于文章得之心不受  
一塵應之手自能三昧游戲妙場掀



揭理窳運天地之橐籥奪造化之機  
緘論性則窮其深源談道則索其隱  
旨以聖經為根本故其文體用而精  
微以史氏為枝葉故其文氣焰而宏  
麗盤詰訓誓其格言詠歌比興其奧  
義雖出師征伐之間猶銳意經濟之  
學觀其投戈講藝橫槊賦詩詞鋒挫  
萬物筆下無點俗揮灑如龍蛇之肆

波瀾如江海之放其力雄豪足以排  
山嶽其輝絢爛足以燦星斗斡旋之  
勢雷動颯舉溫純之音金聲玉振片  
言隻字冥合玄幾竒變異態靡有定  
跡夔乎出于見聞之外鏗鉤炳耀盪  
人之耳目所謂造物有私默傳真宰  
胸中別是一天爾蓋生知所稟非學  
而能如庖丁之解牛游刃而餘地公



輸之制木運斤而成風是皆造其真  
境至於自然而然  
公之於文亦得此不傳之妙若夫  
湛然之稱不可以形尋不可以言誥  
其處之也厚其資之也深靜于內為  
善淵演於外為道派即其性而見其  
文與元氣俱粹然一出于劉正觀夫  
所稱其人可知矣然則作之者創于

始亦在乎述之者成其終適有中省  
都事宗仲亨最為門下之舊收錄公  
之餘藁纖悉無遺今又增補雜文誠  
好事之君子舉其全帙付之於  
門下士高冲霄李邦瑞協力前修作  
新此本以示學者可謂兼善之用心  
省丞相胡公喜

君之文揄揚溢美勒成為書中有或



悞者更加釐正命工刊行于世益廣其傳真得仁人之雅意

省寮王子卿李君實許進之王君玉薛正之皆欣然響應共贊成之

二公承宗公之志畢其能事同諸君系永為序僕以兵塵中來舊學

荒廢不敢應命蓋

公之心術至蹟不能盡探之於文

公之文章高致不能具陳之於序雖其文皆

公之寓言筌蹄而忘象是亦

勲業之餘蘊

公如不言則人將何述焉嘗謂雲漢為章天之文言辭可法人之文故觀乎天文以察時變觀乎人文以化成天下文之為用大矣哉今



公之為言非徒示虛文而已實救世  
行道之具所以柱石名教綱紀彞倫  
鼓舞士風甄陶人物豈惟立當代之  
典章端可為將來之軌範於戲大禹  
不治水吾民憂其魚孔子不作經王  
道幾乎熄夫以文德開通濟物密藏  
諸用扶持聖道之久弊幽而復顯見  
天意之所屬為時永定而能樹治本

遏亂源活生靈福奕世其功德無慙  
于先聖斯文之不墜皆  
公之力為是言也非獨予之所言迺  
天下之公言也歲次癸巳十有二月  
初吉襄山孟攀鱗序



湛然居士文集序

夫文章以氣為主浩然之氣養於胸中發為文章不期文而文有餘矣古之君子其文見於簡策宏深渾厚言近而旨遠辭約而義深非後世以雕篆為工者所能比蓋其浩然之氣貫於中也諸葛孔明暨近代范文正公懷王佐之才有開物成務之略自任



天下之重初不欲以文名世然出師  
一表可與伊訓說命相表裏而萬言  
一書議者亦比與管仲樂毅二子者  
嘗豈學為如此之文也哉其忠義之  
氣形之於文亦不自知其所以然也  
嗚呼世之作文者非不衆也言語非  
不工也及其建功定業任大持重不  
若昔之人者其胸中所養者小也今

白曰知亦無若此者萬招一日過其  
門見執菜根蘸油鹽飯脫粟萬招曰  
子不太儉乎曰園閉京城絕粒六十  
日守職如恒人無知者以至  
扈從西征六萬餘里歷艱險困行役  
而志不少沮跨崑崙瞰瀚海而志不  
加大客問其故而曰汪洋法海涵養  
之力也若乃詈聖安而成贊戲清溪



而發機行九流而上蹤橫立三教而  
廢邪偽外則含弘光大禦侮敵國之  
雄豪內則退讓謙恭和好萬方之性  
行世謂佛法可以治心不可以治國  
證之于湛然正心修身家肥國治之  
明効吾門顯訣何愧于大學之篇哉  
湛然嘗以此訣忠告心友時無識者  
慨然曰唯屏山閑閑可照吾心耳噫

嘻雖欲普慈兼濟天下後世末由也  
已嘗和友人詩曰贈君一句直截處  
只要教君能養素但能死生榮辱哀  
樂不能羈存亡進退盡是無生路至  
於西天三步遠東海一杯深老作衲  
僧未易及此使裴公美張無盡見之  
當斂衽焉蓋片言隻字出於萬化之  
源膚淺未臻其奧者方且索之于聲



偶鍛鍊之排正如檢指蒙學對句之  
收豎望涯于少陵詩史者矣加以志  
天文以草西曆翫焦桐而贊南風在  
燮理為難能皆湛然之餘事或謂萬  
招濶論無乃夸誕乎曰王從之雷晞  
顏王禧伯尚不肯屏山閑閑形于論  
辯萬鍛炎鑪不停蚊蚋宜乎子之難  
信也吾待來者千載一人豈獨為子

設耶甲午仲冬晦日萬松野老行秀  
中夜秉燭序



夫文章天下之公共言賦者自以與  
賈馬爭麗則言詩者自以與李杜爭  
光焰逞辭藻者不讓蘇黃恃歌詞者  
輒輕吳蔡以至氣衝雲霄而莫肯相  
下及其較量長短探頤妍醜得其全  
者鮮矣厭人望者鮮矣  
中書湛然性稟英明有天然之才或  
吟哦數句或揮掃百張皆信手拈來



非積習而成之蓋出于胸中之穎悟  
流于筆端之敏捷味此言言語其  
溫雅平淡文以潤金石其飄逸雄拔  
又以薄雲天如寶鑑與塵寒冰絕翳  
其照物也瑩然向之所言賈馬麗則  
之賦李杜光燭之詩辭藻蘇黃歌詞  
吳蔡兼而有之可謂得其全矣厥人  
望矣

吾湛然居士其庶幾乎公當聖朝開  
翔之際膺鹽梅鼎鼐之任仰贊  
天子茂弘德威臣上古所不臣之國  
籍禹貢所不籍之地公之功業著見  
於天下炳如日星雖月氏殊俗蠻荆  
遠方莫不仰戴其威名觀其從事征  
討軍務倥偬宜其不暇留意於文字  
間然雄篇傑句散落人間復如彼其



多或吟詠其情性或託意於玄機千  
彙萬狀會歸於正又皆肆筆而成若  
不用意為者人雖服其精敏意者何  
為而能然耶殊不知公善養其浩然  
之氣充於其中形于言動發于功業  
見于文章有不得不然者矣孔子曰  
有德者必有言其是之謂乎邇者中  
書省都事宗公仲亨更新此集募工

鏤板過雲中同監納樊子通見屬為  
序微以為文章者公之餘事也公之  
德業天下共知之固不待文而顯也  
其文天下共傳之又奚待以序而彰  
哉雖然不為之辭者微東城一鄙人  
也幸齒于門下士之末若復獲挂名  
于文集中固所願也於是乎書  
癸巳年十月晦日九山居士李微子



徵序

領中書省湛然居士文集序  
士君子困而後學老乃思歸  
流猶賢乎已屏山年二十有九閱  
性書知李習之亦二十有九參藥山  
而退著書大發感歎日抵萬括深攻  
亟擊退而著書三十餘萬言內藁心  
學諄諄大半晞顏早立亞聖生知追  
繹先賢誠難倒指



湛然居士年二十有七受顯訣于萬  
指其法忘死生外身世毀譽不能動  
哀樂不能入湛然大會其心精究入  
神盡棄宿學冒寒暑無晝夜者三年  
盡得其道萬指面授衣頌目之為湛  
然居士從源自古宗師印證公侯明  
白曰知無若此者湛然從自是稱嗣  
法弟子從源自古公侯承稟宗師明

外省官府得

居士文集古律詩雜文五百餘首分  
為九卷恐珠沉於海玉隱於山而輝  
彩未著特命良工板行於世使曰方  
士大夫如披雲見日快願見之心嗚  
呼言者心聲也  
中書之言自詠物之外多以  
國事歸美為章句雖稷契之忠臯陶



之嘉未易過此癸巳歲十二月望日  
平水冰巖老人王鄰叙

湛然居士文集卷之一

和黃華老人題獻陵吳氏成趣園詩

和平陽王仲祥韻

和李世榮韻

和李世榮見寄

和李世榮韻

再用其韻

又索六經

和後剎繼先韻三首



和薛伯通韻

鹿尾

過金山用人韻

過雲中贈別李尚書

和裴子法韻

和許昌張彥升見寄

和南賈張學士敏之見贈七首

和張敏之鳴鳳曲韻

和孟駕之韻

和陳秀玉絲梨詩韻

和冀先生韻

和黃華老人題獻陵吳氏成趣園詩

雪溪詞翰輝星斗紙蠹塵蒙詩一首湛然揮墨試續貂  
囁嚅使人難出口丁年彭澤解官去遨遊三徑真三友  
悠然把菊見南山暢飲東籬醉重九獻陵吳氏治荒園  
成趣為名良可取養高不肯事王侯閑卧林泉了衰朽  
今年

危後過秦川可憐尚有蕭條柳歸計甘輸吳子先麗詞



已後黃華手知音誰聽斷絃琴臨風痛想紗巾酒唳乎  
世路聲利人不知魯憶淵明否

和平陽王仲祥韻

一聖揚天兵萬國皆來臣治道尚玄默政簡民風純  
明明我嗣君寬詒出絲綸洪恩浹四海聖訓宜書紳逆  
取乃順守

皇威輔深仁貪饕致天罰長吏永良循河表背盟約羽  
檄飛邊塵

聖駕親徂征將安億兆人湛然陪

扈從書劍猶隨身翠華次平水草木咸生春冰宮上新  
句文質能彬彬冰雪相照映珠玉如橫陳詩筆君獨步  
唐都一逸民

聖政罔二三裁物惟平均綜名必劾實求儒務求真經  
術勿疎廢筆硯常可親竚待寰宇清圜丘祀  
天神選舉再開闡仲祥當超倫一旦騰達時獻策宜說  
說

和李世榮韻

聖主題華旦熊羆百萬強兵行後紀律敵潰自奔忙百



谷朝滄海群陰畏大陽黎明徹仰德萬國喜觀光堯舜  
規模遠蕭曹籌策長魏肅周禮樂盛矣漢文章神武威  
兼德徽猷柔濟剛自甘頭戴白誤受詔批黃我道將興  
啟吾儕有激昂尊顏懸相印否德忝朝綱佐  
主難及聖為臣每願良

翠華來北闕黃鉞討南疆明德傳雙葉寬仁洽萬方九  
服無不軌曰海願來王兵草雖開創詩書何可忘洪恩  
溥曉露嚴令肅秋霜符蔭千齡運功垂萬世昌綿綿延  
國祚燁燁受天祥多士咸登用却生無敗戕此行將告

老松菊未全荒

和李世榮見寄

雲橫北海西駟驛來天際梅軒真可人新詩遠相惠其  
聲若良金其真如芳蕙文艷理無華詞雄言不侈筆力  
似黃山驚浪雲奔勢犀象牙角新蠶蜂銳尾細遙想醉  
嚼盃梅鴨清陰翳閑散玉麒麟可得爵而係吾子臥東  
山誰治今之世好陳十漸書毋用六奇計萬里入  
龍庭何須嘆迢遞時方涉大川舟楫須君濟

和李世榮韻



多謝梅軒不惜春聲詩來寄格清新詞源莫測波千頃  
筆力能扛鼎萬鈞憂國心情常悄悄閑居容止自申申  
誰知版蕩中原後蕭洒河東有若人

再用其韻

梅軒相別又三春別後文章與日新不忿散材需造化  
好將幽隱入陶鈞我遊北海年垂老君卧南陽志未伸  
遙想冰魂政無恙一枝迴施隴頭人

又索六經

我愛平陽李世榮一番書史再鐫銘欲令吾子窮三傳

故向君家乞六經簡冊燦然新制度文章宛爾舊儀刑  
莫教幼稚空相憶日日求詩到鯉庭

和移刺繼先韻三首

澤民我愧無術略且著詩鴻懾離索詩書滿載升金山  
絃歌不輟踰松漠世上元無真是非安知今是而非昨  
連城美玉涅不緇百鍊真金光愈燦已悟真如匪去來  
自然胸次絕憂樂斷夢還同世事空浮雲恰似人情薄  
尚記吾山舊隱居松風蕭瑟松花落枕流澗石輕軒車  
吟煙嘯月甘藜藿春山寂寂春溪深蕭條庭戶堪羅雀



而今不得安疎慵自笑條籠困鵬鷲勉力  
龍庭上萬言男兒志永忘溝壑

其二

當年不肯讀三略獨伴遺經伴閑索流行坎止不尤人  
自甘萬里涉窮漠富貴榮華能幾時生死都來如夢昨  
十年興廢逼浮沉百歲光陰電飛燦常笑染鴻歌五噫  
竊學榮啟彈三樂未能仁義戢干戈勉將敦厚懲澆薄  
近有人從故隱采黃花無限開籬落閭閻渠林肉與丘糟  
奚如麥飯而羹藿又聞麋鹿滿姑蘇阿瞞不復遊銅雀

塗中曳尾希莊龜江夏沉舟悲禰鷲吾山佳處歸休乎  
鹿逸平林魚緹壑

其三

祖道門庭元簡略兒孫草裏添芭索擬心鷄子過新羅  
起念白雲橫大漠迥殊曰句有無中元非三際來今昨  
大海纖塵一點飛洪爐片雪寒光燦寧論業障本來空  
半偈徒誇寂滅樂細切清風非異事更將明月剗來薄  
玲瓏曰面亦無門充塞十方絕壁落羅列珍羞渠不食  
癡人猶自貪藜藿祇圖龍額摘明珠誰知虎口存活雀



坐脫猶迷一色邊  
崎嶇鳥道一作路橫  
秋鷲可笑人間荆  
棘林死者填溝壑  
空塞壑

和薛伯通韻

滴滴秋光溢  
遠山穹廬寥落  
酒瓶乾一作塞天空  
詩章

平淡思居易  
禪理縱橫憶  
道安不忿西風  
霜葉脫難禁  
秋雨菊花殘  
閨山舊隱天涯  
遠夢裏思歸  
夢亦難

鹿尾

鑿輿秋獼獵  
南岡鹿尾分甘

賜尚方濃色  
殷殷紅玉髓  
微香馥馥紫  
瓊漿韭花酷  
辣

同葱薤芥屑  
筍辛類桂薑  
何似龜根蔗濃液  
邀將詩客大

家嘗

一作流匙滑  
餘大家嘗

過金山用人韻

雪壓山峰八月寒  
羊腸樵路曲盤盤  
千竇競秀清人思  
萬壑爭流壯我觀  
山腹雲開嵐色潤  
松巔風起雨聲乾  
光風瀟貯詩囊去  
一度思山一度看

過雲中贈別李尚書

誰識雲中李  
謫仙詩如文錦酒  
如川十畝良園君  
有趣一塵薄土我  
無緣舊恨常采春  
夢裏新不到客愁  
邊明



明朝分手天涯去他日相逢又幾年

和裴子法韻

頃觀子法白白蓮社書斤淵明攻乎異端  
吾子不所學主張名教與韓孟之儔亞也  
昔巢由避天下而遠遁堯舜受天下而不  
辭以致澤施於萬世名垂於無窮是知潔  
已治天下各有所安耳夫清虛玄默樂天  
真而自適者也焦勞憂勤濟蒼生為己任  
者也二道相反甚於冰炭使堯舜巢由易

地則昏然後之出亂臣賊子窺伺神器狐  
媚孤兒寡婦扼其喉以取天下者聞巢由  
之風亦少知媿矣然則巢由之功豈可少  
哉弃享天下之大樂而且希物外之虛名  
者豈人情也抑文中子有言虛玄起而晉  
室已斯豈莊老之罪與蓋用之不得其宜  
也以虛玄之道治天下其猶初寒御單葛  
大夏服重裘自底斃已豈裘葛之罪哉昔  
晉武一統之始不為後世之遠謀何曾已



識之既而禍難繼作骨肉相殘屠戮忠良  
進用諛佞雖元凱復生亦不能善其後矣  
大厦將頽非一木所能枝獨淵明何能救  
其弊哉適丁天地不交萬物不通君子道  
消小人道長之時淵明見幾而作掛印綬  
而歸結社同志安林泉之樂較之躁進苟  
容於小人之側者何啻九牛毛和以淵明  
之才德假使生於堯舜湯武之世又安知  
不與臯夔伊周並驅爭先哉宣尼有云用

之則行舍之則藏又云進退存亡不失其  
正者其唯聖人乎何貴淵明之深也予嘗  
謂否則卷而懷之以簡易之道治一心達  
則擴而宏之以仁義之道澤四海寔古今  
之通誼也因用子法遊姑射元韻以見意  
云

達磨一派未西來無限勞生眼未開六朝繁盛已矣耳

兩晉風流安在哉自笑中書老

僕射引韻借事佛竊倣

王安石公案翻騰舊葛藤林泉准備閑蹤跡用之勲業



垂千秋發揚孔孟誰為傳舍之獨善樂真覺賦詩舒嘯  
臨清流豈止淵明慕松菊晉室高賢十八九君子道消  
小人用貞夫遠弃利名酒蘇黃冠世能文詞裴張二相  
名當時祖道禪林恣遊戲堯風舜德甘嚙吹達人不為  
造物役打破東西與南北毛吞巨海也尋常出沒縱橫  
透空色真如頗與犧易同不動確乎無吉云湛然信筆  
書竊語臨風遠寄綠野翁贈君一句直截處祇要教君  
能養素但能死生榮辱哀樂不能羈存亡進退盡是無  
生路

亦

和許昌張彥升見寄

真人休運應千載生知神武威中却杜絕竒技賤異物  
連城玉斗曾親撞兵出潼關渡天塹

翠華雜映駒虞燻生民歌舞嘆奚後壺漿箠食

轅門降偏師一鼓汴梁下邏騎飲馬揚子江良臣自有  
魏鄭輩死諫安用干與逢少微昨夜照平水清河國士  
真無雙壯歲遊學力稽古孜孜繼尋焚蘭缸新詩寄我  
有深意再三舒卷臨幽窓安得先生贊

王室委倚奚憂庶政厄堪笑紛紛匹夫勇徒誇巨鼎千



海神集  
鈞扛何日安車蒲輪

詔公入

北闕蒲萄佳醞爛飲玻璃缸西人蒲萄釀皆貯以玻璃餅

和南質張學士敏之見贈七首

挑源劉鳳樓蕭鷓冰斷玉哦通霄珠璣錯落照蘭室龍  
蛇偃蹇蟠霜綃和我新詩使予起却得瓊瑰酬木李邊  
城十載絕知音琴斷七絃鶴亦死而今得識君姿容曾  
中鬱結淡然空詩壇君可據上位筆力我甘居下風筆  
陣文場寬且綽馳騁看君能矍鑠學海波瀾千頃破廠

飯經書爛談博幾時把手瀟湘邊生涯自有壺中天鳴  
榔一笑舟浮蓮滄波萬里凝蒼煙

其二

漏沉沉竹蕭蕭蒲團禪定坐終宵古廟香爐無氣息一  
條白練如瓊綃性海澄澄波不起宛似冰壺沉玉李庸  
人泥教不知歸七竅鑿開混沌死雖云至道絕音容不  
離幻有成真空百尺竿頭更移步普天匝地生清風大  
用全提自寬綽禪將交鋒何矍鑠醒時呼起夢中人徧  
濟含生其利溥本無內外與中邊踏破威音劫外天汚



泥深處種青蓮昇平世界泥烽煙

其三

雨蕭蕭風蕭蕭對床談道徹清宵欲畫太虛無面目慎蕭  
無落筆汚水綃人間平地風波起反笑於陵噉糟李富  
貴榮華都幾時迷者孰能死前死須彌芥子云相容神  
通妙用不空空劫火洞然渠不壞紙鳶能禦毗藍風龍  
象騰驤何綽綽迴視駑駘空雙鑠悟時一語透塵沙安  
用才學恃宏博維摩方丈傍無邊箇中無礙散花天迴  
迤穩穩步雙蓮得玄鳥道橫晴煙

院深深籟蕭蕭伽陀舒卷度蘭宵若解荷心繫珠露便

能天外裁雲綃大覺空生一逼起悟斯獨有屏山李屏

居士李之純嘗作楞嚴別解為禪客所重穿透楞嚴第一機方信庵中人不

死个裏家風針不容夢迴六趣大千空道人受用本無

盡明月薄削細切風香象明從威綽綽獨跳狂獐空雙

鑠悲心起處了無私渡度塵沙恩廣博不涉中流離兩

邊下無大地上無天無人無佛臺無蓮淒淒碧草生芳

煙

其五



雲飄飄水蕭蕭一燈香火過閑宵神清半夜不成夢書  
惟風細揚維綯運應昌期

王者起自愧文章輪杜李竊同居易了無生誰羨葛洪  
學不死一榻蒲團膝足容脩然文室塞虛空翻騰密藏  
明佛日淘汰機緣振祖風丹鳳冲霄何綽綽失曉欬即  
徒矍鑠人間取捨本千筭世路窮通如六博幽人嘯詠  
水雲邊劫外風光自一天閑來石上栽紅蓮水無波浪  
火魚煙

其六

風蕭蕭雨蕭蕭蕭蕭風雨悲涼宵籬菊殘英漬黃玉林  
風脫葉飄紅綯幽人展轉凌晨起邂逅門前逢短李殷  
衰聞道有三仁欲說九疇君不死穹廬相語為從容懸  
河雄辨能談空風神蕭散野鶴立照人玉樹臨秋風落  
筆新詩一揮綽不似武人誇矍鑠銀鈎筆力掩二王照  
夜連城肯輕博他年相約秋山邊秋江一派連秋天閑  
聽菱女歌採蓮輕舟一醉眠秋煙

其七

衣龍鍾鬢飄蕭穹廬停燭坐寒宵翰林遣介贈佳句董



芒鳥跡書生納既倒狂瀾再扶起昔有謫仙元姓李今日

龍庭忽見君誰道當年大白死文章氣象難形容騰龍  
翥鳳遊秋空筆力萬鈞神鬼泣雷轟電掣駭疾風餘裕  
喜君能綽綽鼓舞為君子矍鑠解讀寄字笑揚雄識歷  
張華能博物與君握手天山邊舉觴相囑望青天他年  
雅社結白蓮林泉杖屨衝雲煙

和張敏之鳴鳳曲韻

寫蛟螭咳珠璣莫姿元棟一作碧梧棲彬彬文彩自光

輝有材希晋用矢志欲劉依薦君誰肯惜嗟吹洪才大  
筆識君稀鯢遊翻海震鵬舉翥天飛問渠蟾窟攀仙桂  
何似冥山破鐵圍人間強認假生死世上本無真是非  
濃徵殫春夢晚景嘆殘暉夢斷日沉真可笑輸却禪人  
向上機遮眼閑經卷蒙頭壞衲衣息念蠅凡聖無心應  
順違震風威橫擔柳樛萬山歸

和孟駕之韻

平陽聞有鄒人孫封書上我僕萬言討論墳典造極致  
商權古今窮深源文章高出蘇黃輩英雄不效秦儀志



志圖仁義濟元元莫北無雙瑚璉器淪落塵埃德不孤  
梅軒結友天一隅我惜益車因騏驎騰驤未得踏亨塗  
瓦礫繩樞甘儉薄詩腸雷轉充糟粕他日佳聲聞  
九天富貴之來不得却丁年黃卷樂平生鄉閭一諾千  
金輕滄浪清處閑濯纓才名高價如連城筆下有神詩  
有眼五車書史窮編簡一舉高登甲乙科曾對闔闔持  
手版  
天兵一鼓下睢陽旌旗整整陣堂堂玉石俱焚君子隱  
北度來依

日月光徒步黃塵千里遠猶抱遺經究微婉天產昂藏  
一丈夫三十未遇非為晚聞望卓冠儒林叢燦然星宿  
羅心胸馳驟大方孰並駕絕塵奔逸具遊龍君似銀鍔  
玉可切錐鍔不是尋常鐵利穎神鋒人未知寶匣空閑  
三尺雪何時搜出蟄龍鞭一聲霹靂轟青天歲旱須君  
作霖雨拔茅進用其茹連  
天子明堂求國棟鵬飛全藉天風送鳳池波暖百花新  
詠游不作江湖夢

和陳秀玉縣梨詩韻



石門九月西風高梨出於石門之北遵化縣絲梨萬樹金垂梢清谿

秀玉道號也千里携贈我籐篋初發香盈色謫仙風度清谿

亞春風魯飲梨花下不用紅粧唱採蓮醉望青天歌二

雅我有斗酒清且醇同君薦此鴟黃新初見分香剖金

郊更看削玉飛霜鱗縹紫條何足語夜光安可同魚

目文園塵渴政難禁咀嚼冰雪剗香玉

和萸先生韻

東垣士大夫以

興王聖德詩見寄用酬雅意

運出三爻先以太一推之而得

龍飛九五軌要荒歸化育豪哲入陶甄有幸恩涵海魚

私德應

天偏師收百越一鼓下三川

天子能身正元戎不自賢

重光道同軌

累聖德相聯策決九重內功歸萬衆推羣雄哀矜顯多

士喜磨肩輔弼規左右丞疑贊後前開夷逾漢武平叛

跨周宣冠帶通窮域車書過古垣覽機雲母障受諫翠



華駢款塞諸蠻洞未朝百濟舡降王趨陞闕強虜列氓  
編淨掃妖氛變潛消烽火煙詞臣遊館閣坐隱起林泉  
堯舜文明盛商姪禮樂全九成合古奏二雅詠新篇世  
卜千年世年斯億兆年

宗親戒蒂固

國祚等瓜綿

聖政輿人頌

天威萬古傳勉旃封禪事不用策安邊

湛然居士文集卷之一

湛然居士文集卷之二

和百拙禪師韻

題平陽李君實吟醉軒

從聖安澄老借書

題西庵所藏佛牙二首

和移刺繼先韻二首

過陰山和人韻

再用前韻

復用前韻唱玄



用前韻送王君玉西征二首

用前韻感事二首

過濟源和香山居士韻

和裴子法見寄

用李德恒韻寄景賢

過天德和王輔之四首

槐安席上和張梅韻

思親有感二首

思友人

贈李却王筆

寄雲中卧佛寺照老

寄平陽淨名院潤老

贈雲川張道人

贊李俊英所藏觀音像

題西庵歸一堂

和景賢還書韻二首

外道李浩求歸再用韻示景賢

外道李浩和景賢霏字韻予再和呈景賢



和楊居敬韻二首

過天寧寺用彥老韻二首

過天山周敬之席上和入韻二首

和人韻

丁亥過沙井和移刺子春韻二首

再過晉陽獨五臺開化二老不遠迎

過清涼謝汾水禪師見訪

王屋道中

和百拙禪師

十方世界是全身氣宇如王絕比倫與奪機中明主客  
正偏位裏辨君臣眠雲卧月辭三息鼓腹謳歌預曰民  
了了時誰可曉閑人元不是閑人

題平陽李君實吟醉軒

古晉君實世所知幽軒佳號兩相宜長鯨海量嫌甜酒  
彩筆天才厭小詩七步賦成文燦爛千鍾不惜錦淋漓  
鍾一作十飲微何當杖屨遊平水得預君家吟醉時

從聖安澄老借書

湛然竊語寄西堂此箇因緣果異常陽老十門剛結案



欽公五派強分賦劍逢劍客須拈出詩遇詩人何必藏  
居士病多諳藥性聖安得効不傳方

題西庵所藏佛牙二首

殷勤敬禮辟支牙緣在西庵居士家午夜飛光驚曉月  
六時騰焰燦朝霞一番頂帶因初結七轉生天果不羨  
庸士執方猶未信防風安得骨專車

其二

旃檀奩裏貯靈牙來自中天尊者家瑩色冷奪秋夜月  
真光明射晚晴霞本同舍利元無礙疑是金剛事有差

猶憶廣長舌左右咀嚼風雨震雷車

和移刺繼先韻二首

舊山盟約已愆期一夢十年盡覺非瀚海路難人去少  
天山雪重鴈飛稀漸驚白髮寧辭老未齊蒼生曷敢歸  
去國遲遲情幾許倚樓空望白雲飛

其二

不事王侯懶屬文時危何處覓元勳他年收拾琴書去  
笑傲林泉我與君

過陰山和人韻



陰山千里橫東西秋聲浩浩鳴秋溪猿猴鴻鵠不能過  
天兵百萬馳霜蹄萬頃松風落松子鬱鬱蒼蒼映流水  
天丁何事誇神威天台羅浮移到此雲霞掩翳山重重  
峰巒突兀何雄雄古來天險阻西域人煙不與中原通  
細路縈紆斜復直山角摩天不盈尺溪風蕭蕭溪水寒  
花落空山人影寂四十八橋橫鴈行勝遊竒觀真非常  
臨高俯視千萬仞令人凜凜生恐惶百里鏡湖山頂上  
暮雲煙浮氣象山南山北多幽絕幾派飛泉練千丈旦  
大河西注波無窮千溪萬壑皆會同君成綺語壯竒誕

造物束手神無功山高曰更纔吐月八月山峰半埋雪  
遙思山外屯邊兵西風冷徹征衣鐵

其二

羸馬陰山道悠然遠思寥青巒雲靄靄黃葉雨蕭蕭未  
可行周禮誰能和舜韶嗟吾浮海粟何礙八風飄

其三

八月陰山雪滿沙清光凝目眩生花插天絕壁噴晴月  
擎海層巒吸翠霞松檜叢中流畎畝藤蘿深處有人家  
橫空千里雄西域江左名山不足誇



其四

陰山奇勝詎能名  
斷送新詩得得成  
萬疊峰巒擎海立  
千層松檜接雲平  
三年沙塞吟魂逐  
一夜瓊宮客夢清  
遙想長安舊知友  
能無知我此時情

再用前韻

河源之邊烏鼠西  
陰山千里號千溪  
倚雲天險不易過  
駟驢躅蹐追風蹄  
簽記長安五陵子  
馬似遊龍甲如水  
天王赫怒山無神  
一夜雄師飛過此  
盤雲細路松成行  
出天入井實異常  
王尊疾驅九折坂  
此來一顧應哀惶

崢嶸突出峰峭直  
山頂連天纜咫尺  
楓林霜葉聲蕭騷  
一鴈橫空秋色寂  
西望月窟九鐸重  
嗟呼自古無英雄  
出關未盈十萬里  
荒陬不得車書通

天兵飲馬西河上  
欲使西戎獻馴象  
旌旗蔽空塵漲天  
壯士如虹氣千丈  
秦皇漢武稱兵窮  
拍手一笑兒戲同  
聖山陵海匪難事  
剪斯群醜何無功  
騷人羞對陰山月  
北歲星星鬢如雪  
穹廬展轉清不眠  
霜匣閑殺錐鋸鐵

復用前韻唱玄

天涯流落從征西  
寒盟辜負梅花溪  
昔年學道頗得趣



魚兔入手忘筌蹄殘編斷簡披莊子日日須當誦秋水  
誰知海若無津涯河泊源流止於此人間醬缶紙數重  
太玄強草唾揚雄高卧蒿萊傲唐室清風千古獨王通  
曲者自由直者直何必驅驅較繩尺一筆劃斷閑是非  
萬事都妄樂岑寂功名半紙字幾行競羨成績書太常  
只知牢災饗芻豢不思臨刃心悲惶何如打坐蒲團上  
參透昇平本無象一餅一鉢更無餘容昧禪庵僅方丈  
從教人笑徹骨窮生涯元與千聖同烏道雖玄功尚在  
不如行取無功功歸來踏破澄潭月大冶洪爐飛片雪

且聽石女鳴巴歌萬里一團無孔鐵

用前韻送王君玉西征二首

湛然送客河中

西域城名也

乘興何妨過虎溪清茶佳果

餞行路遠勝濁酒烹駝蹄結交須結真君子君子之交  
淡如水一從西域識君侯傾蓋交歡忘彼此當年君卧  
東山重守雌默默元知雄五車書史豈勞力六韜三略  
無不通詩詠珠璣魚價直青囊更有琴三尺奉  
命西來曲重兵不得茅齋樂真寂魚麗大陣兵成行行  
師布置非尋常先生應



詔入西域一軍駭異皆驚惶  
武皇習戰昆明上欲討昆  
明致犀象

吾皇兵過海西邊氣壓炎  
劉千萬丈先生一展才略窮  
百蠻冠帶文軌同威德洋  
洋震天未大功不宰方為功  
隱居自有東山月風拂松  
花落香雪退自參到未生前  
方信秤鎚元是鐵

其二

先生應

詔將征西湛然送客涉深溪  
徘徊一舍未忍去兵車暫

駐天駒蹄猶憶今春送君子  
桃李無言映流水寒暑推  
遷奈老何秋風草律重來此  
關山險僻重復重西門雪  
恥須豪雄定遠奇功正今日  
車書一混華夷通先生純  
德如天直誼為直尋而枉尺  
功成莫戀聲利場便好回  
頭樂玄寂故山舊隱松千行  
奇峰怪石元異常前日盟  
言猶在耳猿鶴思怨空悲惶  
我擲直鉤魚不上須信遊  
鱗畏龍象冥鴻一舉騰秋空  
誰羨文章光萬丈道今人  
作非天窮區區何必較異同  
語默行藏在乎我退身奚  
論無成功安東幸有闔山月萬頃  
松風萬山雪收拾琴書歸



法華集  
去來修心須要金成鐵

用前韻感事二首

稱斤甘齋賣京西誰信無人採五溪鵬異衆禽全六翮  
麟殊凡數具五蹄昔年學道宗夫子盈科後進如流水  
蟄龍猶未試風雷萍泛蓬飄而至此襁袍毋分百結重  
不學亂世姦人雄忘憂樂道志不窮守窮待變變則通  
歲寒松柏蒼蒼直摩雲直待高千尺桃李無言蹊自成  
此君冷淡人何寂生平恥與噲五行杜門養拙安天常  
澤民致

主本予志素願未酬予恐惶否塞未能交下上何日亨  
通變爻象不圖廊廟為三公安得林泉叅百丈居士身  
窮道不窮庸人非異是所同筆頭解作萬言策人皆笑  
我勞無功流落遐荒淹歲月贏得飄蕭雙鬢雪謀生太  
拙君勿嘆不如嗣宗學鍛鐵

其二

金烏日日東飛西滔滔綠水流長溪流波一去不復返  
逐日恨無八駿蹄窮理達生獨孔子嘆夫逝者如斯水  
歲不我與其奈何兩鬢星星尚如此曩時鑿破藩垣重



澤民濟世學英雄風雲未會我何往天地大否途難通  
霜匣神劍蒼龍直切玉如泥長數尺利器深藏人未知  
豐城埋沒神光寂讀書一日下數行金石其心學王常  
學術忠義兩無用道之將喪予憂惶有意攀龍不得上  
徒勞牙角拔犀象唯思仁義濟蒼生豈為琬羞列方丈  
簞瓢陋巷甘孤窮鴻鵠安與燕雀同天與之才不與地  
反令豎子成其功安得光明依

日月功名未立頭如雪問君此錯若為多使盡二十四  
州鐵

過濟源和香山居士韻

覃懷勝遊地濟瀆垂名久忽見樂天吟笑我輸先手  
詞金玉振老筆風雷走乘興試續貂啟我談天口平湖  
湧泉注清涼瑩無垢憑檻瞰連漪風髯塵抖擻龍孫十  
萬竿箭箭濃陰厚沁水濟源東天壇王屋石秀色已可  
食何須杜康酒步步抱堪詩佳篇如素有賡酬淡相對  
獨有龍岡叟亭上幾徘徊斜陽西入酉晚年歸意切對  
此空沉首何日遂初心營居碧林後一作

和裴子法見寄



人生希幾何半被功名役一旦燕山破西行過千驛顛  
沛不遺仁先難而後獲鷓鴣捐腐鼠烏鷲其勿嚇

扈從出天山從容遊大石琴書澹相對尚未忘五索前  
歲入關中戈兵克商虢

明詔曲蘭省自愧承

深責秦隴成劫灰京索空陳迹長河尚濁流南山自濃  
碧把酒酌青天興亡弔今昔長安非衣君壯年學問積  
天上玉麒麟英才可珍惜詩魂素月高飲量滄溟窄清  
談吹珠玉便腹筭經籍服君百韻詩謝子萬言策易道

已變比世又當應草淮陰王庶襟左車宜籌畫須要蓮  
峰手乾坤再開闢昂藏綠野翁真我龍門客

用李德恒韻寄景賢

牢落十年扈

御營瑤琴忘盡水仙聲酷思詩酒閑中樂見說干戈夢  
裏驚林下因緣千古重人間富貴一錢輕此身未退心  
先退獨有龍岡識我情

過天德和王輔之四首

天縱



吾君大聖人天兵所指旃煙塵三齊電掃何須擲六國  
雷馭不用秦誅倭未聞魯請劍初姦誰肯試埋輪伴食  
黃閣空無輔自笑龍鍾一老臣

其二

六師嚴

駕渡長河師不留行誰敢何千里旌旗翻錦浪一聲金  
鼓震寒波殷已誰道三仁在康滅空傳五子歌唾手要  
荒歸一統漢唐鴻業未能過

其三

積年叨祿領台司位重才微甚不宜地上流錢慚晏等  
樽前決勝愧良惟過實聲聞傳人口似直愚忠結  
主知三選荒涼松菊在他時令此復何之

其四

慙老先生本素臣洪才大筆力千鈞沽名不築傳巖板  
賈世誰垂渭水綸舟泛五湖希范蠡腰懸六印笑蘇秦  
常編三絕孰犧易蕭散風神真隱人

槐安席上和張梅韻

甘薺五溪人不採兩京高價賣秤斤君方淪落羞看我



我亦飄零懶問君人遠空殘眉上黛愁深不整鬢邊雲  
誰怜古戍寒窓下新樣枝成織錦文

思親有感二首

遊子棲遲久不歸積年溫清闕慈闈囊中昆仲親書帖  
篋內萱堂手製衣黃犬不來愁耿耿白雲空望思依依  
欲憑鱗羽傳安信綠水西流鴈北飛

其二

伶仃萬里度西陲壯氣星星兩鬢絲白鴈來時思北闕  
黃華開後憶東籬可憐遊子投營晚正是孀親倚戶時

異域風光恰如故一銷魂處一篇詩

思友人

落日蕭蕭萬馬聲東南回首暮雲橫金用良友音書絕  
玉軫朱絃塵土生十里春風別野店五年秋色到邊城  
雲山不礙歸飛夢夜夜隨風到玉京

贈李却王筆

管城從我自燕都流落遐荒萬里餘半札秋毫裁翡翠  
一枝霜竹剪瓊琚鋒端但可題塵景筆下安能畫太虛  
聊復贈君為土物中書休笑不中書

李却王嘗為西遼執政



寄雲中卧佛寺照老

像教中微祖意沉盧陵嫡子起予深看經不怕牛皮透  
公見闍藏 着眼常聽露柱吟行道推居卧佛寺活機特  
教故云 異死禪心憑君摘取空華實好種人間無影林

寄平陽淨名院潤老

昔年平水便相尋握手臨風話素心刻燭賦成無字句  
按徽彈徽沒絃琴風來遠渡晚朝急雨過寒塘秋水深  
此樂莫教兒輩覺又成公案滿叢林

贈雲川張道人

雲川道士有詩聲刻篆雕蟲醉未醒素扇自甘贖碧笠  
因西人奪笠源 以扇贖之故云玄鶴不肯換黃庭春秋榮悴悲椿木晦  
羽生凋笑瑞草何似扇開真日月區區燭火任榮榮

贊李俊英藏觀音像

白衣大士足威神蓮智興悲詎可陳金色界中垂萬臂  
碧蓮花上露全身鎮川鑄就金難似天竺鑄來玉未真  
不識觀音真面目燕吟鶯語過殘春

題西庵歸一堂

搏霄元帥築西庵於廳事之隅以舍沙門



建歸一堂置三聖廟兒屏山居士有云卷  
波瀾于聖學之域徹藩籬於大方之家其  
博霄之謂乎偶得亂道韻詩錄呈諸士大  
夫幸希光采仍請西庵上人書之楹棟間  
為他時林下清話張本云  
三聖真元本自同隨時應物立宗風道儒表裏明墳典  
佛祖推實透色空曲士寡聞能異議達人宏觀解相融  
長沙賴有蓮峰掌一撥江河盡入東

和景賢還書韻二首

居士今年又出關琴書真味伴子閑簡成草略初無意  
語闕治擇誤犯顏漆水自慚貽口實龍圖却得破詩惶  
衰翁幸乞贖前過一炷清香論八還

其二

淵明幽隱掩柴關琴已已絃人亦閑靜倚書窓獨寄傲  
笑觀庭樹自怡顏五音格外聲何限百草頭邊法不慳  
靈譜斷絃無用處因風得得寄詩還

景賢索絃譜故有是句

外道李浩求歸再用韻示景賢

自從一箭透重關觸處忘緣觸處閑莫問羔裘橫毳袖



從教華髮映蒼顏  
水聲說法起予甚  
山色呈機不我慳  
寄客天涯樂如許  
問渠何必更南還

外道李浩和景賢霏字韻予再和呈景賢

緣劃斷已忘機  
布鼓徒敲和者稀  
中隱強陪人事過  
禪心不與世情違  
箇年勲業真堪笑  
舊日家山懶欲歸  
我愛北天真境界  
乾坤一色雪花霏

和楊居敬韻二首

自愧才術草芥微  
偶然千載遇

明時唯希一統王  
家義何暇重思晁  
氏危仁義且圖扶

孔孟縱橫安肯傲  
秦儀行看

堯舜澤天下萬國  
咸寧庶績熙

其二

詔下龍庭萬國歡  
野花啼鳥總欣欣

熙朝龜卜符千億

聖主龍飛第一年  
至道變通皆有數  
浮生富貴本由天  
誰人得似楊公子  
傲世高吟數百篇

過天寧寺用彥老韻二首

十年不得舞衣班  
行盡天涯萬里山  
黃閣伴食空皓首



蒼生未濟謾胡顏

新朝兵革征方急，舊隱煙霞尚未還。  
衮衮簿書塵滿眼，衰翁奚暇謁松關。

其二

今日從征亦偶然，天寧遐想思懸懸。  
貪榮不得還山去，須信衰翁未苦賢。

過天山周敬之席上和人韻二首

淪落天涯數十秋，區區班筆早年投。  
採薇山下墮粘草，洗耳溪邊懶飲牛。  
振武揚威難射虎，忘機絕慮不驚鷗。

當年射策承明殿，未必輕輕輸呂籌。

其二

愁馬居延酒半醺，寂寥寒館變春溫。  
未能鵬翼騰溟海，不得鴻音過鴈門。  
千里雲煙青塚暗，一天風雪黑山昏。  
天涯幸遇知音士，仔細論文共一樽。

和人韻

四海皇皇無所歸，夢魂常遠故園飛。  
海山不羨學居易，華表留言笑令威。  
毛落難尋蘇子節，囊空猶有老萊衣。  
靜思二十年間事，擾擾紛紛盡覺非。



丁亥過沙井和移刺子春韻二首

科登甲乙戰文圖吾子才名予獨知  
巢許身心君易樂  
蕭曹勲業我難為  
有恒得見寔無憾  
知己相逢未忍離  
攜手河梁重話舊  
胡然羞和子卿詩

其二

行藏俯仰且隨時  
襁袍懷珠人未知  
燕雀既群雞獨立  
鳳凰不至擬胡為  
可嘆世態頻更變  
何奈人生多別離  
莫忘天山風雪裏  
湛然駝背和君詩  
余昨至沙井乘牛車過前路騎駝方

達行在偶得隔句一聯云牛車馳傳頗異相如駟馬車馳背吟詩不似竹林七賢畫成有是句

再過晉陽獨五臺開化二老不遠迎

高岡登陟馬玄黃  
落日西風過晉陽  
道士歡迎捧林果  
儒冠遠近挈壺漿  
五臺強健頭如雪  
開化輕安鬢未霜  
誰會二師深密意  
趙州元不下禪牀

過清源謝汾水禪師見訪

汾水禪師箇裏人  
杖藜尋我過清源  
半盃紅果情何厚  
一盞清燈話細論  
山水景中君得意  
兵戈堆裏我銷魂  
他年相約雲深處  
松竹蕭蕭靜掩門

王屋道中



勝克河中號令齊

神兵入自太行西昏昏煙鎖天壇暗漠漠雲埋王屋低

風軟却教冰泛水一作冰寒輕還使雪成泥行吟想像

覃懷景多少梅花圻玉溪

湛然居士文集卷之二

湛然居士文集卷之三

和斛天秀韻

用萬松老人韻作十詩寄鄭景賢

萬松老人真贊

贈萬老人松琴譜詩一首

寄曲陽戒壇會首大師

和王巨川韻

釋奠

和移刺子春見寄



寄移刺國寶

寄鄭景賢一十首

和景賢韻三首

和李世榮韻

和景賢一十首

和王君玉韻

過東勝用先君文獻公韻二首

過夏國新安縣

過青塚用先君文獻公韻

過青塚次賈搏霄韻

再用韻以美搏霄之德

再用韻自嘆行藏

再用韻感古

再用韻唱玄

過雲川和劉正叔韻

過雲中和張伯堅韻

過雲中和張仲先韻

過雲中和王正夫韻



過白登和李振之韻

過天城和靳澤民韻

過武川贈僕散令人

過燕京和陳秀玉韻

還燕京題披雲樓和諸士大夫韻

和威寧珍上人韻

和李德脩韻

和斛天秀韻

猛士彎弓挽六鈞長驅入汴政施仁前朝運謝山河古

聖世時亨雨露新未遇自甘焚綠綺知音不必惜陽春  
朝廷將下搜賢詔莫戀煙霞老此身

用萬松老人韻作十詩寄鄭景賢

蘊廬同抵足談道月西沉議論馨香發文章蘊藉深正  
便邊氏腹不上謫仙襟自得逍遙意何須泊鄧林

其二

豐城三尺劍神器尚埋沉確論穿楊的生機劈筭深天  
真貯便腹浩氣塞征襟竚看澤天下清風冠士林

其三



破缸無漆漏流水不能沉露瑣青山秀花藏古徑深白  
雲陪野興晴月洗頰襟絕後重甦息飛花枯木林

其四

隱隱三星出依依片月沉鶴飛遼海濶猿嘯楚山深柳  
色雲霓袖蘆花雪滿襟晉天秋意露一葉墜梧林

其五

玄珠羅帳密寒鼎篆煙沉翡翠踈簾隔琉璃古殿深本  
來無垢體何必拂塵襟斫却壻中桂方成般若林

其六

鰲餌不須針聊將玉線沉須弥猶未大渤海豈為深悟  
後牛穿鼻迷時馬有襟七人何所慕幽鳥在高林

其七

箇事不容針迷途自陸沉西天三步遠東海一盃深涼  
月盛玄鉢輕雲剪素襟曹溪無一滴波浪泝禪林

其八

流波無放蕩死水暮平沉機盡方鈎隱綸空玉鈞深赤  
心休憎口青眼好開襟誤捉溪中月人人似翰林

其九



夢覺方知錯生平自屈沉滌塵千澗外遺照亂松深柳  
帶縫穿屣荷衣綴破襟寂寥選佛味何似宴瓊林

其十

漁家何是好乘興一釣沉路僻蒼苔舟橫古渡深小滑  
晴掀蕩笠微雨整蓑襟夢斷知何處寒潮沒晚林

萬松老人真贊

昔無盡居士題恒岳廟云聰明厭血食悔  
不值元珪茲因恒州四衆敦請萬松老人  
師不行且以頂相付之門弟湛然居士再

拜而贊之曰

每恨恒山不逢珪老四衆同緣萬松親到

萬松老人琴譜詩一首

萬松老人索琴并譜予以承華裂春雷及  
種玉翁悲風譜贈之

良夜沉沉人未眠桐君橫膝叩朱弦千山皓月和煙靜  
一曲悲風對譜傳笈紙且教遮具眼聲塵何礙汚坐禪  
元來底許真消息不在絃邊與指邊

寄曲陽戒壇會首大師



日衆飛書請萬松不消彈指已成功燈籠證據真談辨  
露柱承當不耳聾梵行細推無處所戒壇須信塞虛空  
無為濟物誰能悉惟有東垣月拂風

和王巨川韻

聖駕徂征率百工貌貅億萬入關中周秦氣焰如雲變  
唐漢繁華掃地空灞水尚存官柳綠驪山唯有驛塵紅  
天兵一鼓長安克千里威聲震陝東

釋奠

王巨川能於灰燼之餘草創宣聖廟以己

丑二月八日丁酉率諸士大夫釋而奠之  
禮也諸儒相賀曰可謂吾道有光矣是日  
日衆奉迎釋迦遺像行城歡聲沸沸僕皆  
預其禮作是詩以見意云

多士雲奔奠上下釋迦遺像亦行城旌幢錯落休迷色  
鐘磬鏗錡豈在殺宣父素心施有政能仁深意契無生  
儒流釋子無相諷禮樂因緣盡假名

和移刺子春見寄

曰海皇皇足俊賢浪陪扶



日上青天且備約法三章定寧羨浮榮六印懸潤色吾  
術惟恐後扶持天下敢為先過情聲聞予深恥可笑虛  
名到處傳

其二

生遇干戈我亦辰十年廿分作俘臣施仁發政非無據  
論道經邦自有人

聖世規模能法古汚俗習染得惟新英雄已入  
吾皇彀從此無人更問津

其三

且喜

朝廷先正名林泉隱逸抱公卿群雄一遇風雲會萬國  
咸觀日月明丹鳳固應潛亂世白麟自合出升平竚看

一作快  
遇顯觀

北闕垂溫詔夜半前席進賈生

其四

舉世寥寥識我誰未學弓矢愧由基衰年有幸彈三樂  
盛世無才出六奇弃物且存  
光海量散才獲用



荷天私微臣自忖將何報信筆裁成頌  
德詩

其五

邂逅沙城識予初天山風雪醉吟餘文章光焰君堪羨  
節操儀刑我不如麴蘖鄉中前進士

渠有詩云老去惟  
耽麴蘖春故有是

旬風波堆裏老中書他年歸去無相弃同到閬山舊隱  
居

寄移刺國寶

昔年萍迹旅京華曾到風流國寶家居士為予常喫素

先生愛客必烹茶明窓揮麈談禪隨淨几焚香頂佛牙  
回首五年如一夢夢中不覺過流沙

公所藏佛  
牙甚靈異

寄鄭景賢一十首

龍岡能覓淡中歡心與孤雲自在閑琴阮生涯事松菊  
詩書活計老丘山叩絃聲自無中出得句詩從天外還  
踏破化工魚盡藏閑人受用亦非慳

其二

龍岡漆水兩交歡縱意琴書做老閑未得一言安海內  
已輸三箭定天山肯容詩思妨心慧豈使聲塵礙耳還



信手拈來無不是清風明月有何慳

其三

人間聚散忘悲歡何似林泉避世閑十載殘軀遊瀚海

積年歸夢遶閭山

先人舊居也

空窩猿鶴招予往還駕琴書

伴我還多謝龍岡吟老隱新詩酬酢路無慳

其四

絃索詞章且助歡羨深臨老得安閑琴歌愛子彈秋水  
詩句服君仰泰山聲古調淒真可聽辭雄韻險實難還  
先難後易今方省居士襟懷本不慳

其五

宦情觸處不成歡未得浮生半日閑  
薦鶻有書慚北海澤民無術愧東山  
琴書習氣終難忘窩麓荒園怎得還  
卜隱龍岡成老伴肯教詩思筆頭慳

其六

廣文恰我失清歡每著琴詩伴我閑  
痛憶金聲并玉振酷思流水與高山  
詩壇各處猶深閉琴債遷延未肯還  
一狀如今都領過龍岡須破兩重慳

其七



琴書吾子盡幽歡  
隨分消磨日月閑  
佳句曲刑傳四海  
水仙聲韻徹三山  
每慚木李投君去  
却得瓊瑤報我還  
從此龍岡開廩藏  
徽邊筆下更無慳

其八

世間何事最為歡  
爭似能偷忙裏閑  
得遇夜晴須對月  
每逢春盛強登山  
無錢沽酒和衣曲  
一作和圖利吟詩  
倍本還綺語千章  
琴百曲莫教風月笑人慳

其九

我與先生久已歡  
而今皆願老來閑  
同舟載棹醉觀月

並轡騎驢飽看山  
綺句綴成連譜換  
紙音彈了著詩還  
琴詩此際慵拈出  
可然龍岡為紙慳

其十

閑人閑裏竟閑觀  
未得迴光未是閑  
叩道一螺斟巨海  
叅玄千里望恒山  
但能透鏃穿三句  
何必拖泥辨八還  
箇事人人皆富有  
含生休怨釋迦慳

和景賢韻三首

龍岡便腹盡詩書  
落筆雲煙我不如  
一紙安書思塞鴈  
十年歸興憶鱸魚  
託身醫隱君謀妙  
委跡儒冠我計疎



何日相將歸故里翠微深處卜幽居

其二

龍岡走筆和清篇出示珠璣寄湛然字古意新看不足  
挑燈寒雨夜無眠

其三

摩撫瘡痍正似醫微君孰肯極時危萬金良策悟  
明主厚德深仁四海施

和李世榮韻

異同誰定據俯仰且隨緣居士難聯句梅軒却解禪魚

雲皆皓月何處不青天話到忘言處迨迨夜不眠

和景賢十首

龍岡居士得賢君聞道賢君憎所聞節操鷓鴣捐鼠餌  
風神野鶴立鷄群只知輔嗣能談易誰識相如善屬文  
擬欲贊君言不盡區區微意見詩云

其二

天下奇才鄭使君清名不使世人聞五車書笥獨窮理  
三峽詞源迥出群未得開懷重話舊常思抵足共論文  
自從一識龍岡老餘子紛紛不足云



其 三

一聖龍飛敢擇君  
嗟予潦倒尚無聞  
蒼生未識鴻鵠志  
皓首甘遊麋鹿群  
黃雀已歸奚望報  
彩禽飛去不能文  
龍岡特囑孤窮悶  
時有新詩報我云

其 四

試我新詩寄鄭君  
無顏談道不聞聞  
治心更索指中道  
養性渾如鞭後群  
玄語諄諄非是說  
真書歷歷不關文  
儒生束教嫌虛誕  
得意忘言孔子云

其 五

文章自愧不如君  
敢以玄言瀆所聞  
有道居塵何異俗  
無心入數不驚群  
重玄消息無多子  
半紙功名直幾文  
回首死生猶是幻  
自餘何足更云云

其 六 換韻

十年不遇一相知  
恰識龍岡恨見遲  
常愛箕山能洗耳  
何堪鄰舍傲顰眉  
榮枯貴賤難逃數  
用舍行藏自有時  
心事紛紛無處說  
援毫閑和景賢詩

其 七 感事

萬里西來過月氏  
初離故國思遲遲  
人情慚愧三鬢面



人世梳梳半額眉田上野父空噪鳳澤邊漁父不傷時  
龍岡本具英雄眼幾倩東風寄我詩

其八

讀唐詩有感

林甫滔天聖不知三郎深恨識卿遲塵中妃子春羅襪  
錢上開元指甲眉七夕殿中祈巧夜三秋原上摘瓜時  
長天忽見飛來鴈垂淚空吟李嶠詩

其九

李楊相繼領台司兵起漁陽禍已遲向憎正恰花解語  
而今空憶柳如眉心傷桃李初開夜腸斷梧桐半落時

試問宮中誰第一三郎猶記謫仙詩

其十

往來寒暑暗推移下手修行猶太遲迷後徒勞常捏目  
悟來何必更揚眉宗門淘汰宜窮理道眼因緣貴識時  
祇為龍岡心猛利湛然剛寫不言詩

又一首

龍岡醫隱本知機薰蕕同盤辨者稀廊廟虛名無意戀  
林泉夙願與心違羨君綽綽有餘裕笑我皇皇無所歸  
尚憶當年垂釣處一江灩雨靜霏霏



和王君玉韻

王孫蒙饋飯靈輒未扶輪自笑孤窮客誰怜衰病身黃  
沙萬餘里白髮一孀親腸斷山城月徘徊照遠人

過東勝用先君文獻公韻二首

荒城蕭洒槐長河古寺碑文半滅磨青塚路遥人去少  
黑山寒重鴈來多正愁曉雪冰生硯不念西風葉墜柯  
偶憶先君舊遊地潸然不奈此情何

其二

依然千里舊山河事改時移隨變磨巢許家風烏可少

蕭曹勲業未為多可傷陵變須耕海不待碁終已爛柯  
翻手榮枯成底事不如歸去入無何

過夏國新安縣

時丁亥九月望也

昔年今日渡松關

西域陰山有松關

車馬崎嶇行路難瀚海潮

噴千浪白

一作千里雪

天山風吼萬靈丹氣當霜降十分爽

月比中秋一倍寒回首三秋如一夢夢中不覺到新安

過青塚用先君文獻公韻

漾室空成一土丘至今仍未雪前羞

一作可憐冰姿瘦古丘佳人猶自夢

羞中不禁出塞渺沙磧最恨臨軒辭冕旒  
幽然半和青塚



月閣雲常鎖黑河秋涵涵天墜東流水不盡明妃萬古  
愁

過青塚次賈搏霄韻

當年遺恨漾昭君玉貌冰膚染塞塵邊塞未安嬪侮虜  
朝廷何事拜功臣朝雲鴈唳天山外殘日猿悲黑水濱  
十里東風青塚道落花猶似漢宮春

其二

延壽丹青本誑君和親猶未斂胡塵穹廬自恨殞戎主  
泉壤相逢愧漢臣玉骨已消青塚底香魂猶遠黑河濱

愁雲暗鎖天山路野草閑花也怨春

再用韻以美搏霄之德

去歲雲川始見君澄澄胸次淨無塵南斗第一挂璋士

冀北無雙柱石臣

公領師職故云

萬頃雲松斜谷外千竿水竹

渭河濱他年歸隱重相訪無影林間別有春

再用韻自嘆行藏

箕裘家世忝先君慚愧飄蕭兩鬢塵自古山河歸  
聖主從今廟廟弃愚臣常思卧隱雲鄉外肯做行吟澤  
國濱驛使不來人已老江南誰寄一枝春



再用前韻感古

宣尼名教本尊君  
賊子于常犯蹕塵  
鹿失羸秦無令主  
鼎分炎漢有能臣  
宋朝南渡元天水  
遼室東傾罪海濱  
回首興亡都莫問  
不知沉醉筮頭春

再用韻唱玄

重玄不憐說知君  
又恐重添眼裏塵  
臨濟唱中分主客  
洞山言下辨君臣  
持鈴普化搖空裏  
垂釣華亭沒水濱  
勘破這般閑伎倆  
鐵林花發劫前春

過雲川和劉正叔韻

西域風塵汗漫遊  
十年辜負舊漁舟  
曾觀八陣雲變速  
親見三川席卷收  
煙鎖房延蘇子恨  
雲埋青塚漢家羞  
深思籬下西風醉  
誰羨班超萬里侯

過雲中和張伯堅韻

一掃區羌破吐渾  
群雄悉入北朝吞  
自憐西域十年客  
誰識東丹八葉孫  
射虎將軍皆建節  
龍飛

天子未更元我慚  
才略非良器封禪書成不敢言

過雲中和張仲先韻



注雅集  
致主澤民本不難言輕無用愧偷安十年潦倒功何在  
三徑荒涼盟已寒富下藏名鬼傳說林間談道謁豐干  
挂冠神武當歸去自有夔龍輔  
可汗

過雲中和王正夫韻

白雪陽春寡和音誰人解聽沒絃琴詩書事業真堪笑  
刀筆功名未可欽不信西天三步遠烏知東海一杯深  
元來佛法無多子何必富山謁少陵

過白登和李正之韻

十年淪落困邊城今日龍鍾返帝京運拙不須求富貴  
時危何處取功名騰驤誰識孫陽驥俊逸深思支遁鷹  
客裏逢君贈佳句知音相見眼偏明

過天城和新澤民韻

西征

扈從過龍庭誤得東州浪播名琴阮因緣真有味詩書  
事業拙謀生吐嗟興廢悲三嘆倏忽榮枯夢一驚何日  
解官歸舊隱滿園松菊小庵清

過武川贈散令人



班姬流落到而今聞道翻身入道林  
歌扇舞裙忘舊業  
藥爐經卷半新吟  
閑眠白晝三杯醉  
靜對青松一曲琴  
更看他年棲隱處  
逢山樓閣五雲深

過燕京和陳秀玉韻

回首親朋半土丘  
嗟予十稔浪西遊  
半生兵革慵開眼  
一紙功名暗點頭  
下士笑予謀計拙  
至人知我謂心憂  
再行不憚風沙惡  
鶴跡雲蹤任去留

其二

君恩猶未報  
山丘自笑遐  
方汗漫遊客過  
玉關驚白髮

要遊金谷覓蒼頭  
冷官待罪予為懶  
陋巷居貧君不憂  
猶望道行澤四海  
敢辭沙漠久淹留

其三

狐死魯聞尚首丘  
悲予去國十年遊  
崑崙碧巒日落處  
渤澥西傾天盡頭  
君子云已真  
我恨斯文將喪是我憂  
尚期晚節回

天意隱忍

龍庭且強留

其四



澹然集  
餘生不得樂林丘猶憶丁年選勝遊幾帙殘編聊映眼  
一張衲被且蒙頭貌貅已報西門役柱石猶懷東顧憂  
自料荒疎成弃物菟裘歸計乞封留

其五

空驚滄海變陵丘白晝分明夢裏遊除妄揆邊重出揆  
永真頭上更安頭亨通富貴劉生喜苦惱悲愁強作憂  
斫斷葛藤閑伎倆繫驢極子不須留

還燕京題披雲樓和諸士大夫韻

閣上披雲第一重離離禾黍漢家宮窓闌青瑣招晴色

簾捲銀鈎揖曉風好夢安排詩句裏閑愁分付酒杯中  
靜思二十年間事聚散悲歡一夢同

和威寧珍上人韻

十載西遊志已灰南征又自大梁迴扶持佛日慚無力  
贊翊

皇風愧不才舊約未能林下去新詩常寄  
日邊來何時杖屨煙霞裏一笑伸眉得共陪

和李德脩韻

明明聖主萬邦君



神武彫弓挽六鈞時有逸人遊

闕下更無騷客弔江濱衣冠師古乘殷轅曆日隨時建

夏寅厚德深仁施萬世巍然一代典謨新

湛然居士文集卷之三

湛然居士文集卷之四

和呂飛卿韻

再用韻贈運國莘

謝飛卿飯

再用韻紀西遊事

再用韻贈搏霄

再用韻謝飛熊召飯

再用韻唱玄

再用韻



和搏霄韻代水陸疏文因其韻為十詩

寄賈搏霄乞馬乳

謝馬乳復用韻二首

贈搏霄筆

再用韻寄搏霄二首

再用韻別非熊

愛子金柱索詩

贈賈非熊搏霄一首

和李振之二首

非熊餞予之燕再用振之韻

和連國華三首

連國華餞予出天山因用韻

還燕和德明韻二首

和橙梅韻

和竹林一禪師韻

西庵上人住夏禁足以詩戲之

送韓浩然用馬朝卿韻

戊子喜雨用馬朝卿韻二首



洪武集  
戊子餞非熊仍以呂望磻溪圖為贈

和宋子玉韻

和李邦瑞韻二首

和邦瑞韻送奉使之江表

和王正之韻

祝忘憂居士壽

蠟梅二首

謝禪師公寄閣山紫玉

和鄭壽之韻

寄沙井劉子春

和琴士苗蘭韻

和人韻二首

和武川嚴亞之見寄

己丑過鷄鳴山

寄天山周敬之

和瑞乞訪親因用其韻

和李邦瑞韻

和呂飛卿韻



舊說飛卿詞翰全風神，渾似晉名賢。吟詩投子三十里，  
押韻輸君一着先。筆迹查牙森似戟，詞源浩汗注如川。  
好詩好字獨予得，准備携將帝里傳。

再用韻贈國華

學道宗儒難兩全，湛然深許國華賢。儒門已悟如心恕，  
道藏能窮象帝先。似海詞源涵萬水，如鯨飲量吸長川。  
而今一識君侯面，始信清名不浪傳。

謝飛卿飯

一鞭羸馬渡天山，偶到雲川暫解鞍。獨守空房方丈穩，

更無薄酒一杯殘。詩書半蠹絕來客，釜甑生塵笑冷官。

賴有覺非

飛卿道號

憐野拙，長鬚為我饋盤餐。

再用韻紀西遊事

河中

西域尋思子城西遼目為河中府

花木蔽春山，爛賞東風縱寶鞍。

留得晚瓜過臘半，藏來秋果到春殘。親嘗芭攬寧論價，  
自釀蒲萄不細官。常嘆不才還有幸，滯留遐域得佳餐。

再用韻贈搏霄

以搏霄戎肉罷鷹犬故以是詩美之

凜凜風神白玉山，罷遊鷹犬逞金鞍。瑤琴高掛公絃絕，  
犧易頻翻斷簡殘。息念如僧還有髮，忘形見客似無官。



伽陀誦罷爐薰冷一鉢疏羹當曉食

再用韻謝非熊召飯

行盡遐陬萬里山十年飄泊困征鞍春風燕語歸心切  
夜月猿啼客夢殘

聖世因時行夏正愚臣嗜數媿春官誰知覽帥開青眼  
掃洒西庵召我食

再用韻唱玄

藤條擊破鐵圍山倒跨白牛不鞵鞍講疏僧歸經卷亂  
坐禪人起佛燈殘為學未必如為道選佛從教勝選官

百事湛然都不念祇知渴飲與飢食

再用韻

雲山疊疊復雲山瘦馬蘆鞭矮面鞍瀚海去程千驛遠  
揚州歸夢五更殘塵緣淡處應忘世逸興濃時好解官  
二頃良田何必覓春山笋蕨亦供食

和搏霄韻代水陸疏因其韻為十詩文

資生無畏濟人深便見能仁六度心塵世捐財矜苦厄  
寒林洒飯拔幽沉既臨巨海鈎神物試叩洪鐘伺好音  
今日湛然攀舊例珠纓休惜掛祇林



其二

新朝威德感人深，渴望雲霓四海心。  
東夏再降烽火滅，西門一戰塞煙沉。  
顯觀頒朔施仁政，竚待更元布德音。  
好放湛然雲水去，廟堂英俊政如林。

其三

論道西庵愛慕深，推誠片片露丹心。  
瑤琴莫撫相如引，寶鼎休焚韓壽沉。  
花氣渾如三角串，松風全似五絃音。  
清談終日忘歸思，不覺昏鴉噪晚林。

其四

五派分流道愈深，塵中誰識本來心。  
穿心土椀元無漏，沒底膠缸却不沉。  
山色水光呈妙相，鳥啼猿嘯露圓音。  
雲霞活計無求飽，何事狂童作肉林。

狂童一作獨夫

其五

前生未了妄緣深，薄宦相縈負夙心。  
只見淵明能印弃，誰知居士解舟沉。  
窮通榮辱皆真夢，毀譽稱譏盡假音。  
中隱冷官閑况味，歸心無日不山林。

其六

居士才微學未深，靜思寧不愧中心。  
難忘北海千鍾酒，



虛負西庵一炷沉綺語傲顰廢險韻瑤琴學步鼓紙音  
此番公案休拈出祇恐相傳入笑林

其七

新詩效玉起予深獨有博霄我許心真跡居塵聊俯仰  
高名與世任浮沉同成雅會清茶話共賞枯桐白雪音  
他日歸休約何處燕山叅謁萬松林

其八

賢師文章蘊藉深雲川傾蓋便同心撇髯談道紫燈地  
抵足論文塞月沉有眼句中君得意無絃琴上我知音

沉舟誤控波中月莫學當年李翰林

其九

浪迹西遊歲月深臨風誰識湛然心斯文將喪儒風歇  
真智難明佛日沉佳茗擊嘗轟雪浪正聲聊作鼓雪音  
年來逸興十分切准備求真入道林

其十

漁磯舊隱荻花深塵世寧忘昔日心兩岸清風單舸穩  
滿江明月一鉤沉飢來煮稻無兼味醉後鳴榔笑五音  
閑卧煙蓑春夢斷不知潮起沒青林



寄賈搏霄乞馬乳

天馬西來釀玉漿  
草囊傾處酒微香  
長沙莫吝西江水  
文舉休空北海觴  
淺白痛思瓊液冷  
微甘酷愛蔗漿涼  
茂林要洒塵心渴  
願得朝朝賜我嘗

謝馬乳復用韻二首

生涯箒食與壺漿  
空憶潮回衣惹香  
筆去餘才猶可賦  
酒來多病不能觴  
松窓雨細琴書潤  
槐館風微枕簟涼  
正與文君謀此渴  
長沙美湏送子嘗

其二

肉食從容飲酪漿  
羞酸滑膩更甘香  
草囊旋造逡巡酒  
椀器頻傾漱灑觴  
頓解老飢能飽滿  
偏消煩渴變清涼  
長沙嚴令君知否  
只許詩人合得嘗

贈搏霄筆

一札霜毫綴上枝  
管城家世出東涯  
遼東筆鋒端有口能  
談景紙上無聲解  
寫詩兔向江淹求  
彩筆莫學班氏弃  
毛錐贈君聊助文  
房用賦就離騷寄我知

再用韻寄搏霄二首

玉立堂堂紫桂枝  
雲川中隱寓天涯  
風神蕭散能談道



格調清新解作詩  
鄙論我甘蒙醬瓿  
予作辨和論  
樽霄嘗讀之  
雄才君已露囊錐  
澄澄胸次人誰識  
祇有清風明月知

其二

斫到霜筠節外枝  
誰言法界有邊涯  
筌蹄意盡閑周易  
脂粉情忘束詒詩  
去歲生涯猶說劍  
今年活計更捐錐  
威音那畔真消息  
試問瞿雲也不知

再用韻別非熊

靈木垂芳桂兩枝  
非熊佳譽動西涯  
倦聽琴阮嫌狂客  
飽看經書厭小詩  
成德羨君垂竹帛  
虛名嗟我類刁錐

會難別易堪惆悵  
何日重來誰得知

愛子金柱索詩

文獻陰功絕比倫  
昆蟲草木盡承恩  
我為

北闕十年客  
汝是東丹九世孫  
致

主澤民宜務本  
讀書學道好窮源  
他時輔翼

英雄主珥筆

承明策萬言

贈賈非熊搏霄

二陸尊賢擅美聲  
月評難弟亦難兄  
西庵麈尾談三界



北觀携琴論五行休道酒仙無太白須知詩伯有飛卿  
奇人輻輳君門下占斷西湖好士名

和李振之二首

半紙功名未可呈無心何處不安生十年滄海塵空起  
百歲黃糧夢乍驚舊逕既荒松菊在丹誠不變鬢髯更  
年來漸有昇平望每恨栖鷄半夜鳴

其二

酷憶遥山寸碧呈歸耕何日樂餘生蠅營得失都無念  
狗苟榮枯總若驚客夢覺來家萬里聲詩吟罷月三更

溟鵬本有衝天志直待三年再一鳴

非熊兄弟餞予之燕再用振之韻

藝逢知己敢相呈幾夜論文喜氣生筆陣戎甘三舍退  
詩壇君使曰筵驚公初傾蓋冬將半予擬乘軺歲欲更  
特與幽人助行色一聲寒角隔煙鳴

和連國華三首

歲月如流走兔烏永真可惜費功夫深源到底忌根抵  
至道元來貴拙愚真理不空宜具眼太虛無面莫添鬢  
直須穩坐長安好切忌途中認畫圖



其二

安得長繩繫日烏天涯老却舊耕夫  
林泉放曠輸君樂沙漠淹留笑我愚  
虎戰每驚沙虎尾龍飛不得採龍鬚  
文章畢境成何事富貴元知不可圖

其三

月上南枝啼夜烏悲歌彈鋏嘆征夫  
愁邊逐日看周易夢裏隨風謁太愚  
縱有征塵遮兩眼却無慚色上三鬚  
真人已應千年運佇待河清再出圖

連國華餞予出天山因用韻

十年不得舞衣斑一憶江南膽欲寒  
黃犬侯來秋自老白雲望斷信何難  
軍中得句常橫槩客裏傷心每據鞍  
游子未歸情幾許天山風雪正漫漫

還燕和吳德明

紛紛世態眩榮華靜裏乾坤本不譁  
琴阮生涯聊自適詩書事業更何如  
但期聖德澤天下敢將餘生寄海涯  
可笑燕然舊遊客倚樓悲我客程賒

又和橙子梅韻



可笑人心自短長誰知箇事不囊藏化成橙子舌孰味  
幼作梅英鼻覺香金印似真隨變滅冰魂元假却芬芳  
唯心識破回根旨何必臨風再舉揚

和竹林一禪師韻

富貴無心羨五侯隨時俯仰浪西遊斷無事業流千古  
靜看英雄混九州白鴈縱傳遐域信黃華却負故園秋  
蒼生未濟歸何益一見吾山一度羞

西庵上人住夏禁足以詩戲之

觸處無非選佛堂

一作却盧只  
是一禪林

東風何處避春光却人

無足克千界大地絕塵塞四方舉步踴翻滄海月轉身  
踏破白雲鄉快須擊碎閑家具說與西庵笑一場

送韓浩然用馬朝弼韻

開懷樽俎笑談傾未暇論文君已行富貴塗亨渠易致  
詩篇韻險我難賡已成傾蓋金蘭友安用沾襟兒女情  
淮擬秋深逐歸騎一尊濁酒遠相迎

戊子喜雨用馬朝弼韻二首

酷暑炎炎正不禁一聲雷震釀輕陰救回南畝十分旱  
變作西郊三日霖遍野桑疇青怪密連天變壠綠雲深



王孫喜雨登樓宴貫酒黃壚解帶金

其二

生死輪迴苦莫禁不如學道惜分陰  
舡乘沒底聊相渡雲出無心強作霖  
不死鄉中靈草異長生劫外紫雲深  
茅山道士真堪笑虛費工夫煉五金

戊子餞非熊仍以呂望蟠溪圖為贈

昨夜白麻降日邊文章領袖遠朝

天遙思

御座分香賜更想

龍庭命席前白面書生酬夙志黑頭邊帥領新權  
非熊應笑非熊老八十猶然釣渭川

和宋子玉韻

勇將謀臣滿玉京吾儕袖手待昇平  
荆榛至道常嗟我柱石中原豈捨卿  
日下有人叨叨食雲中高士振詩鳴  
思君興味如梅渴海印

子玉道號也

那能識此情

和李邦瑞韻二首

隴石竒才冠士林萬言良策起予深  
澤民致主傾丹懇邀利沾名匪素心  
我伴簿書無好思君陪風



月有閑吟他年共約林泉下茅屋松窓品五音

其二

謝君千里遠相尋傾蓋交歡氣義深筆硯生涯一作書

又作鐵石肝腸魚異志金蘭氣味本同心揮毫解賦登高句緩

軫能彈對竹琴此去麟鴻知有便臨風無吝寄芳音

和邦瑞韻送奉使之江表

駟騎翩翩出玉京金符一插照人明莫忘

北闕龍飛志要識南陔鵠舌情布袖來

朝無騎乘錦衣歸去不徒行昇仙橋畔增春色却守傳

呼接長婦

和王正之韻

洪才碩德兩相宜雅操真堪據鳳池富貴未終隨夢變

功名何在值時危竒辭解吐萬言策敏思能吟七步詩

但倩東風輕着力摩天鵬翼若雲垂

其二

自慚不解告嘉謀十載韜藏僻一隅巨海洪深容弃物

新朝寬厚用愚夫亨時嘉會千年少

聖主雄材萬代無文物規模皆法古佇看



明詔起真儒

其三

皇天輔德本無親樂道奚憂甌滿塵道泰小人當屏斥  
時氏君子自經綸浮雲富貴元千變昨夢繁華得幾春  
遇不遇兮皆是命吾美休美錦衣新

楞嚴經云生死  
涅槃都如昨夢

祝忘憂居士壽

酷似燕山竇十郎靈椿初老桂枝芳兩朝厚遇垂十稔  
一日清名滿四方玉佩丁東照蘭省斑衣搖曳悅萱堂  
他年叅到平常處便是長生不老鄉

蠟梅二首

越嶺仙姿迥異常洞庭春染六銖裳枝橫碧玉天然瘦  
蕾破黃金分外香反笑素英揮淡抹却嫌紅艷太濃粧  
臨風范此薔薇露醉墨淋漓寄渺茫

其二

冰姿夢裏慕姚黃滴蠟凝酥別樣粧生姑白紅木濃淡  
懶施朱粉自芬芳寒英深染薔薇露冷艷微薰鴛鴦香  
受用清絕恣吟遶惜花一念未全忘

謝禪師 公寄閬山紫玉



方外閑人天一隅因風寄我紫雲腴起予妙理欺徵伯  
滌我枯腸壓酪奴琥珀精神渾彷彿葡萄滋味較錨銖  
禪師遠弃桃源路日日尋山摘此魚

和鄭壽之韻

聖主龍飛日月新徵才忝預股肱臣民財已阜錢如水  
驛騎長閑塞不塵風鎮西陲輸定遠宴開東閣慕平津  
何時收拾琴書去林下衣冠作舜民

寄沙井劉子春

寄語沙城老故人別來贏得鬢邊塵馬蹄踏破關中月

新句吟空河表春名利相縈子有數琴書自樂子非貧  
何時策杖君家去再試淵明漉酒巾

和琴士苗蘭韻

徒步南來愛陸機公餘邂逅似相期高山韻吼千竈木  
流水聲號半夜波  
聖德宛如歌治化南風猶似撫瘡痍曲終聲散無人會  
撩我高吟一首詩

和人韻二首

西域諸蕃古未知來王遠古禹封畿名山准擬金泥檢



古塞無勞羽檄飛世樂詎能敵靜樂蓑衣到底勝朝衣  
年來痛憶閭山景月照茅亭水一圍

其二

干戈未斂我傷神自恨虛名誤此身否德詎能師百辟  
微材安可步三辰箕裘謾嘆青氈舊勲業空驚白髮新  
安得夔龍立廊廟扶持

堯舜濟斯民

和武川嚴亞之見寄

當年西域未知名四海無人識晉鄉扈從

鑿輿三萬里謀謨鳳閣九重城衣冠異域真予志禮樂  
中原乃我榮何日功成歸舊隱五湖煙浪樂餘生

其二

亞之平水久馳名

亞之本絳陽人今寓居武川訓童為生

壯歲題橋慕長

卿厥世德風如偃草驚人詩價比連城功名未立不為  
嫌仁義能行亦足榮此理幽微人不識莫言儒道拙謀  
生

其三

今年又得亞之詩每嘆風雲會遇遲拙運且淹童子役



法華集  
雄材宜作帝王師，羨君筆下揮千字。知子胸中蘊六奇，  
靜對西風和新句。淒然南望動深思。

其四

誤忝夕綸恩，斗印懸乏才。羞到

玉墀前，劾姦封事夢猶諍。許國忠誠老益堅。

仁政發從

天北畔，捷音來自海西邊。從今率土靈王化，禮樂車書  
共一天。

其五

寥落龍沙寄此生，情鍾我輩豈無情。參商管鮑賢朋友，  
南北機雲好弟兄。蓮葉飄香思晚浦，梅花飛雪夢春城。  
故園日夜歸心切，未濟斯民不敢行。

己丑過鷄鳴山

三年四渡過鷄鳴，我僕徘徊細馬僮。登寂寞柴門空有舍，  
蕭條山寺靜無僧。殘花濺淚千程別，啼鳥傷心百感生。  
今古興亡都莫問，寧廬高卧醉騰騰。

寄天山周敬之

當年傾蓋識君初，爛飲天山駐使車。秋去安仁空有賦，



江詩集  
鴈來公瑾又無書林巒紅葉如人老籬落黃華亦我疎  
為向天涯道岑寂強吟新句附雙魚

邦瑞乞訪親因用其韻

干戈擾擾交侵戰一紙安書直萬金  
兄子生還愁未解萱堂仙去恨尤深  
涕零倚木西風怨腸斷聞鈴夜雨淋  
養老送終真有憾號天如割望雲心

和李邦瑞韻

趙老名言本兩忘庭前空有柏蒼蒼  
西江吸盡慵開口北載添來亦括囊  
明月清風何所礙落花流水不相妨  
須知居士元無病底用千年舊藥方

湛然居士文集卷之四



湛然居士文集卷之五

贈蒲察元帥七首

庚辰西域清明

用鹽政姚德寬韻

用昭禪師韻二首

和薛正之見寄

乞扇

壬午西域河中遊春十首

遊河中西園和王君玉韻四首



河中遊西園四首

河中春遊有感五首

過閭居河四首

感事四首

壬午元旦二首

過沁園有感

用劉正叔韻

西域家人輩釀酒戲書屋壁

西域從王君玉乞茶因其韻七首

和冲霄韻五首

和冲霄十月桃花韻二首

和薛正之韻

贈蒲察元帥七首

閒騎白馬思無窮  
來訪西城綠髮翁  
元老規模妙天下  
錦城風景壓河中  
花開杞攬芙蓉淡  
酒泛葡萄琥珀濃  
痛飲且圖容易醉  
欲憑春夢到盧龍

其二

積年飄泊困邊城  
閒過西隅謁故人  
忙喚賢姬尋罌皿



更呼遼客奏箏箏蒲萄架底蒲萄酒把攬花前把攬仁  
酒釀花繁正如許莫教辜負錦城春

其三

主人知我怯金觴特先生一改堂為細切黃橙調蜜煎  
重羅白餅糝糖霜幾盤綠橘分金縷一碗青茶點玉香  
明日辭君向東去這些風味幾時忘

其四

使君排餘宴南溪不枉從君烏鼠西春鴈旅澆濃鹿尾  
臘糟微浸軟駝蹄絲絲魚膾明如玉屑屑鷄生爛似泥

白面書生知此味從今更不嗜黃虀

其五

筵前且盡主人心明燭厭厭飲夜深素袖佳人學漢舞  
碧髯官妓撥胡琴輕分茶浪飛香雪旋擘橙盃破軟金  
五夜歡心猶未已從教斜月下疎林

其六

主人開宴醉華胥一派絲篁沸九衢黯紫蒲萄垂馬乳  
輕黃把攬燦牛酥金波泛蟻斟徹伯雪浪浮花點酪奴  
忙裏偷閑誰若此西行萬里亦良圖



其七

閑乘羸馬過蒲華又到西陽太守家  
瑪瑙瓶中簪亂錦琉璃鍾裏泛流霞  
品嘗春色批金橘受用秋香割木瓜  
此日幽歡非易得何妨終老住流沙

庚辰西域清明

清明時節過邊城遠客臨風幾許情  
野鳥間關難解語山花爛熳不知名  
蒲萄酒熟愁腸亂瑪瑙盃中醉眼明  
遙想故園今好在梨花深院鷓鴣聲

用益政姚德寬韻

乃祖開元柱石臣雲鬢鬚玉麒麟  
孫從來德爰輿人口此日

見露

聖世春欲草薦書學北海未開東閣媿  
平津而今且試調羹手矚看沙堤繼舊塵

用昭禪師韻

銀鈎全似趙周臣詩比黃華格調新  
道眼點開言外句禪心說破劫前春  
山中跛挈無為客林下逍遙自在人  
不犯青波垂釣處卧龍隨手出龍津



其二

聖德洋洋雨露零  
蟲魚草木總歡榮  
妖氛斂禍堯風扇  
外道消聲佛日明

和薛正之見寄

賢臣

聖主正時遭建策

龍庭莫憚勞  
大壑波深翻巨鯉  
高空風順遇鴻毛  
一番制度新  
才術百代文章舊  
雅騷勦力自強  
宜不息功名何啻泰山高

乞扇

屈胸圓裁白玉盤  
幽人自剪素琅玕  
全勝織女絞綃帕  
高出湘妃玳瑁班  
座上清風香細細  
懷中明月淨團團  
願祈數柄分居士  
顛倒陰陽九夏寒

壬午西域河中遊春十首

幽人呼我出東城  
信馬尋芳莫問程  
春色未如華藏富  
湖光不似道心明  
土牀設饌談玄旨  
石鼎烹茶唱道情  
世路崎嶇太尖險  
隨高逐下垣然平

其二



三年春色過邊城  
萍跡東歸未有程  
細細和風紅杏落  
涓涓流水碧湖明  
花林吸茗添幽興  
綠野觀耕稱野情  
何日要荒同入貢  
普天鐘鼓樂清平

其三

春鴈樓邊三兩聲  
東天回首望歸程  
山青水碧傷心切  
李白桃紅照眼明  
幾樹綠楊搖客恨  
一川芳草惹羈情  
天兵幾日歸東闕  
萬國歡聲賀太平

其四

河中二月好踏青  
且莫臨風嘆客程  
溪畔數枝繁杏淺  
墻頭千點小桃明  
誰知西域逢佳景  
始信東君不世情  
圓沼方池三百所  
澄澄春水一時平

其五

二月中草木青芳  
菲次第有期程  
花藏徑畔春泉碧  
雲散林梢晚照明  
含笑山桃還似識  
相親水鳥自忘情  
遐方且喜豐年兆  
萬頃青青麥浪平

其六

異域春郊草又青  
故園東望遠千程  
臨池嫩柳千絲碧  
倚檻妖桃幾點明  
丹杏笑風真有意  
白雲送雨太無情



歸來不識河中道春水潺潺滿路平

其七

四海從來皆弟兄西行誰復嘆行程既蒙傾蓋心相許  
得遇知音眼便明金玉滿堂遺素志雲霞千頃適高情  
廟堂自有夔龍在安用微生措治平

其八

寓跡塵埃且樂生垂天六翮斂鵬程無緣未得風雲會  
有幸能瞻

日月明出處隨時全道用窮通逐世嘆人情憑誰為發

豐城劍一掃妖氛四海平

其九

不如歸去樂餘齡百歲光陰有幾程文史三冬翰墨情  
田園二頃憶淵明賓朋冷落絕交分親戚團團說話情  
植杖耘耔聊自適笑觀南畝綠雲平

其十

棄翁老矣倦功名繁簡行軍笑李程牛糞火熟石炕煖  
蠅連紙破瓦窓明水中漉月消三毒火裏生蓮屏六情  
野老不知天子力謳歌鼓腹慶昇平



遊河中西園和王君玉韻四首

萬里東皇不失期  
園林春老我來遲  
漫天柳絮將飛日  
遍地梨花半謝時  
異域風光特秀麗  
幽人佳句自清奇  
臨風暢飲題玄語  
方信無為無不為

其二

清明出郭赴幽期  
千里江山麗日遲  
花葉不飛風定後  
香塵微斂雨餘時  
彫鑿冰玉詩尤健  
揮掃龍蛇字愈奇  
好字好詩獨我得不來  
賡和擬胡為

其三

異域逢君本不期  
湛然深恨識君遲  
清詩厭世光千古  
逸筆驚人自一時  
字老本來遵雅淡  
吟成元不尚新奇  
出倫詩筆服君妙  
笑我區區亦強為

其四

風雲佳遇未能期  
自是魚龍上釣遲  
富穴潛藏難避世  
塵囂俯仰且隨時  
百年富貴真堪嘆  
半紙功名未足奇  
伴我琴書聊自適  
生涯此外更何為

河中游西園四首

河中春晚我邀賓  
詩滿雲牋酒滿巡  
對景怕看紅日暮



臨池羞照白頭新  
柳添翠色侵凌草  
花落餘香看莫人  
且着新詩與芳酒  
西園佳處送殘人

其二

河中風物出乎倫  
閑命金蘭玉笋巡  
半笑梨花瓊臉嫩  
輕顰楊柳翠眉新  
啼泥紫燕先迎客  
偷藥黃蜂遠趁人  
日日西園尋勝槩  
莫教辜負客城春

其三

幾年萍梗困邊城  
閑步西園試一巡  
圓沼印空明鏡瑩  
芳莎藉地翠茵新  
幽禽有意如留客  
野草多情解笑人

屈指知音今有幾  
與誰同享瓮頭春

其四

金鼓

鑾輿出隴秦驅馳  
八駿又西巡  
千年際會風雲異  
一代規模宇宙新  
西域兵來擒偽主  
東山

詔下起幽人股肱

元首明良世

高拱垂衣

壽萬春



河中春遊有感五首

西河

尋斯千有西戎樓  
里檀故宮在焉

構室未全終又見頽垣遠故壙

綠苑連延花萬樹碧堤回曲水千重不圖舌鼓談非馬

甘分躬耕學臥龍糲食麤衣聊自足登高舒嘯樂吾慵

其二

異域河中春欲終園林深密鎖頽壙東山雨過空青疊  
西苑花殘亂翠重把攬碧枝初著子葡萄綠架已纏龍  
等閑春晚芳菲歇葉底翩翩因蝶慵

其三

坎止流行以待終幽人射隼上高壙窮通世路元多事  
藉險機關有幾重百尺蒼枝藏病鶴三冬蟄室閉潛龍  
琴書便結忘言友治圃耘蔬自養慵

其四

西域渠魁運已終

天兵所指破金墉崇朝駟騎馳千里一夜捷書奏

九重鞭策不須施大馬廟堂良美足夔龍北窓高卧薰

風裏儘任他人笑我慵

其五



重玄叩擊數年終大道難窺萬仞墉舊信不來青鳥遠  
故山猶憶白雲重自知薰業輸雛鳳且學心神似老龍  
忙裏偷閑誰似我兵戈橫蕩得疎慵

過閭居河四首

河水春盡水無聲靠岸釣魚羨擊冰乍遠南州如夢蝶  
暫遊北海若飛鵬隋堤柳絮風何處越嶺梅花信莫憑  
試暫停鞭望西北迎風羸馬不堪乘

其二

北方寒凜古來稱親見陰山凍鼠冰戰鬪簷楹翻鐵馬

窮通碁勢變金鵬五車經史都無用一鶚書章誰可憑  
安得衝天暢予志雲興六馭信風乘

其三

一聖龍飛得足稱其三凜凜涉春冰千山風烈來從虎  
萬里雲垂看擊鵬

堯舜徽猷無闕失良平妙策足依憑華夷一混非多日  
浮海長桴未可乘

其四

自愧聲名無可稱賢愚混世炭和冰竊盜倉鼠初成蝠



噴浪溟鯤未化鵬賣劍學耕食粗遣買山歸老價難憑  
秋江月滿西風軟何日扁舟獨自乘

感事四首

富貴榮華若聚漚浮生渾似水東流仁人短命嗟顏氏  
君子懷疾嘆伯牛未得鳴珂遊

帝闕何能騎上揚州幾時擺脫閑疆鎖笑傲烟霞永鶴  
自由

其二

當年元擬得封侯一誤儒冠入士流赫赫鳳鸞指腐鼠

區區蠻觸戰蝸牛未能離欲超三界必用麾旄混九州  
致

主澤民元素志陳書自薦我無由

其三

得不欣欣失不憂依然不改舊風流深藏鳳壁母投鼠  
好蓄龍泉候買牛山寺幽居思少室梅花歸夢遠揚州  
萱堂溫清十年闕負米供親愧仲由

其四

人不知予我不尤濯纓何必揀清流良材未試聊耽酒



利器深藏俟割牛，舊政欲傳新。令尹新朝不識舊，荊州  
眉山云邁歸商路，痛悟新詩寄子由。

壬午元旦二首

西域風光換，東方音問疎。屠蘇聊復飲，鬱壘不須書。舊  
歲昨宵盡，新年此日初。客中今十載，孀母信何如。

其二

萬里西征出玉關，詩無佳思酒無乾。蕭條異域年初換，  
坎軻窮途臘已殘。身過碧雲遊極樂，手遮東日望長安。  
年光迅速如流水，不管詩人兩鬢斑。

過沁園有感

管年曾賞沁園春，今日重來迹已陳。水外無心脩竹古，  
雪中含恨瘦梅新。垣頽月榭經兵火，草沒詩碑覆劫塵。  
羞對覃懷管時月，多情依舊照人行。

用劉正叔韻

叅叩松軒積有年，光塵融洩一愚賢。視民每羨如芻狗，  
治國常思烹小鮮。只道牛邊休執杖，誰知琴上亦忘絃。  
湛然稍異香山老，不學空門不學仙。

西域家人輩釀酒戲書屋壁



西來萬里尚騎驢  
旋借葡萄釀綠醕  
司馬捲衣親滌器  
文君挽袖自當壚  
元知沽酒業緣重  
何奈調羹手段無  
古昔英雄初未遇  
生涯或亦隱屠沽

西域從王君玉乞茶因其韻七首

積年不啜建溪茶  
心竅黃塵塞五車  
碧玉甌中思雪浪  
黃金碾畔憶雷芽  
盧仝七碗詩難得  
諗老三甌夢亦賒  
敢乞君侯分數餅  
暫教清興遶煙霞

其二

厚意江洪絕品茶  
先生分出蒲輪車  
雪花灑灑浮金葉

玉屑紛紛碎白芽  
破夢一杯非易得  
搜腸三椀不能賒  
瓊甌啜罷酬平簪  
飽看西山插翠霞

其三

高人惠我嶺南茶  
爛賞飛花雪滿車

是日作茶會值雪

玉屑三

甌烹嫩蘂青旗一葉碾  
新芽頓令衰叟詩魂爽  
便覺紅塵客夢賒  
兩腋清風生坐榻  
幽窗遠勝泛流霞

其四

酒仙飄逸不知茶  
可笑流涎見麴車  
玉杵和雲舂素月  
金刀帶雨剪黃芽  
試將綺語求茶飲  
特勝青衫把酒賒



吸罷神清淡，無寐塵囂身。世便雲霞

其五

長笑劉伶不識茶，胡為買鉢謾隨車。  
蕭蕭暮雨雲千頃，礧礧春雷玉一芽。  
建郡深甌吳地遠，金山佳處楚江賒。  
紅爐石鼎烹團月，一椀和香吸碧霞。

其六

拈腸搜盡數杯茶，千卷胸中到幾車。  
湯響松風三昧手，雪香雷震一槍芽。  
滿囊垂賜情何厚，萬里攜來路更賒。  
清興無涯騰八表，騎鯨踏破赤城霞。

其七

吸罷江南一椀茶，枯腸歷歷走雷車。  
黃金小碾飛瓊屑，碧玉深甌點雪芽。  
筆陣陳兵詩思勇，睡魔卷甲夢魂賒。  
精神爽逸無餘事，卧看殘陽補斷霞。

和冲霄韻五首

垂已

聖道賴君鳴坎軻，休嗟道不行。須信詩魔降筆陣，好將  
酒戰破愁城。滔滔秋水如人志，薄雲閑雲似世情。一舉  
冲霄知有日，垂天萬里看鵬程。



其二

古今興廢不堪聽  
寵辱都如夢  
一驚齟齬略欣然  
推後進  
琴書足以了餘生  
既知物物頭頭是  
誰問朝朝暮暮情  
散盡迷雲何所有一輪秋普天明月

其三

天涯索寞正窮秋  
衰草寒煙無盡頭  
葉底哀蛩空促織  
雲間征鴈祇供愁  
酪漿滿引澆羊胛  
糲食隨緣薦鹿脩  
試暫迴先樂真覺人間萬法一時收

祇供愁一作謾書愁

其四

星星華髮鏡中驚  
好賦歸與接浙行  
位重寧貪高一品  
故園無憚遠千程  
晴天花絡春山色  
落日松和秋水聲  
無恙閻峰三百寺  
遨遊吟嘯老餘生

其五

古木殘陽映矮窗  
鴈行天際寫秋光  
霜蓑帶雨添愁色  
晚菊和風送冷香  
濁酒三年渾未試  
黃九月糧得初嘗  
龍沙且喜身强健  
南望幽人天一方

又一首

不見高陽舊酒徒  
臨風惆悵幾踟躕  
魚窮真味思焦尾



有限浮生嘆白駒德望服人輸一陸文章重世媿三蘇  
散財源倒渾無用空作昂藏一丈夫

和冲霄十月桃花韻二首

桃源仙子憶劉郎不憚嚴冬雨雪涼紅雨已先初夏落  
妖魂重對小春芳冷侵絳萼劉舒臉寒徹朱衣強噴香  
誰向荒園慰蕭索數枝無語映斜陽

其二

春生秋殺乃天常來往推遷炎與涼晚節正當陰氣塞  
窮冬忽見小桃芳豈知木杲能成實僭與江梅敢並香

自媿備員調鼎鼐不知何事謬陰陽

和薛正之韻

無德慚為天下先湖山歸計好如鞭霜深尚有籬邊菊  
風勁全無葉底蟬三弄瑤琴歌素月一尊濁酒醉蒼煙  
鳳池分付夔龍去萬頃瀟湘屬湛然

湛然居士文集卷之五







